



1. Մի սեր ունեմ սքանչելի,
Սեր՝ հրաշալի, աննման:
Խորհուրդ է՝ Նա անպատմելի,
Սեր՝ թանկագին, պատվական:
Սրտիս կենտրոնն է՝ Նա հավետ
Եվ հոգուս միակ շրջանն,
Խորհուրդներուս Նյութը անվերջ,
Սիրուս էլ՝ միակ առարկան:

2. Հիսուսն է՝ Նա, Փրկիչն հոգուս,
Իմ պաշտելի սիրեկանն,
Կյանքիս հույսն է՝ և ճամփիս՝ լույս,
Իմ երջանիկ ապագան:
Նրան կտամ իմ սիրտն ու սերն,
Ողջ աշխարհը կուրանամ,
Բավական չեն անթիվ դարեր,
Որ Իրենից լիանամ:
Ամեն: